



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Ephemerologivm Ecclesiastio-Rubricisticum Novum**

**Halden, Johann Baptist**

**Brixinæ, 1717**

Titulus XXXII. De Dominica infra Octavam SS. Corporis Christi, sive  
secunda post Pentecosten, & Ferijs eam Subsequentibus.

**urn:nbn:de:hbz:466:1-39937**

miduplici, & tunc in Missa 2. Oratio erit *Concede. 3. Ecclesia*, vel pro Papa (prout notantur post Dominicam in Albis) nisi facienda sit Comemoratio Festi Simplicis occurrentis; nam tunc 2. Oratio erit de Simplici. 3. *Concede*, hęcque de eodem etiam Commemoratio suis locis in Officio. Atque hęc omnia etiam observabuntur sequentibus infra Octavam diebus in Officio & Missa, excepta Dominicā infra Octavam, de quā paulo post.

SABBATO infra Octav. Corpor. Christi usque ad Vesperas omnia sunt, ut dictum Feriā VI. præcedente. *Vesperæ* autem (nisi cras occurrat *Festum Duplex*, aut alicubi *Dies Octavae SS. Trinitatis*) à Capitulo sunt

hodie de Dominica infra Octavam *Ss. Corporis Christi* (quæ est 2. post Pentecosten) Ritu Semiduplici, dicendo omnia, uti notantur in *Loco* in *Propr. de Temp.* cum Commemoratione *Octavae SS. Corp. Christi*, ut ibi, nec non Festi Simplicis, si quod cras occurrat. *Col. Alb.* Quod si cras occurrat *Festum Duplex*, aut alicubi incidat dies *Octavae SS. Trinitatis*, *Vesperæ* hodiernæ erunt de Festo, aut die illa Octava, cum Commemoratione primò de Dominica, ex 1. ejus *Vesperis*, deinde de Octava *Ss. Corporis Christi* ex 2. *Vesperis Festi*, ac denique etiam *Festi Simplicis*, si tale cras occurrat, & *Festum* crastinum non sit *Duplex 1. vel 2. Class.* *Col.* Festo conveniens.

### TITULUS XXXII.

#### De Dominica infra Octavam SS. Corporis Christi, sive secunda post Pentecosten, & Ferijs eam Subsequentibus.

**D**OMICINĀ infra Octavam *SS. Corporis Christi* (quæ est II. post Pentecosten) si non occurrat *Festum Duplex*, aut alicubi *Dies Octavae SS. Trinitatis*, in Officio omnia dicuntur de Festo *Ss. Corporis Christi*, ut infra ejus Octavam, præter *Lectiones*, *Octavum Responsorium*, *Capitula*, *Antiphonas ad Benedictus*, & ad *Magnifi-*

*cat*, atque *Orationem*, quæ omnia sibi propria habet hæc Dominica, dicunturque cum Versu ad *Laudes*, & *Vesperas* uti notantur hic in *Proprio de Tempore*, cum Commemoratur. Octavæ in *Laudibus*, *Missa*, ac *Utisque Vesperis* ut ibi. *Col. Alb.*

In iisdem *Laudibus*, ac *Missa* *Dominicæ* post Commemorationem *Octavæ* fit etiam *Commemoratio* *Fest*



si *Simplicis*, si quod occurrat, attamen sine 9. de eo Lectione, uti constat ex Directorio Romano anni 1710. in quo de S. Paulino Episc. Conf. in Dominica infra Octavam Ss. Corporis Christi occurrente, jubetur fieri solummodo Commemoratio sine Lectione: tamen enim eadem ratio, ob quam S. R. C. (in Decreto, ut ajunt, 1669. 8. Jun. emanante) permittit dici 9. Lectionem de Festo *Simplici*, si quidem propriam habeat, die infra Octavam Ss. Corporis Christi tunc, quando in ea extra Dominicam occurrit fieri Officium Duplex de alio Sancto, dummodo non sit Duplex 1. Classis, videatur æquè procedere ac pugnare in casu, quò infra Octavam Ss. Corporis Christi fit Officium de *Dominica infra Octavam Corporis Christi*, non autem de ipsa currente *Octava Corporis Christi*, & Decretum vetans dici nonam de *Simplici* Lectionem intra illam Octavam extra casum occurrentis *Festi Duplicis*, mentionem tantum faciat de *Die infra Octavam*, non autem de *Dominica infra Octavam* videtur tamen prohibitio illa etiam ad *Dominicam infra Octavam* se extendere; eò quòd ex una parte etiam hæc fit *Dies aliqua infra Octavam*; ex altera autem parte non eadem omnino sit ratio, quæ in casu, quò *infra Octavam* Corporis Christi fit Officium Duplex, aut aliud *entius diversum ab Officio Octave Cor-*

*poris Christi*; quandoquidem Officium hujus *Dominicæ* vix est diversum ab Officio infra Octavam dicendò, Evangelium *Dominicæ* agit fere eodem argumento Ss. Corporis Christi, per Parabolam Cœnæ magne designato. Cæterum per Decretum Sac. Rit. Congr. supra allegatum, præter Com. nonam de *Simplici Festo* Lectionem dici permittens in *Festis duplicibus* quæ non sunt 1. Classis infra hanc Octavam (si tamen propriam habeat, vel unam, vel duplicem) id tantum permittit tunc, quando Officium fit de *Festo Duplici* infra hanc Octavam extra *Dominicam* occurrente: quòd si eum de Duplici in ipsa *Dominica* occurrente fiat Officium, 9. Lectio in Rubr. General. non de *Simplici*, sed de *Homilia Dominica currentis* est dicenda.

Ad PRIMAM hodiernæ *Dominicæ* non dicitur *Confitemini*, ne *Quicumque*. Ad Absolutionem Capituli verò dicitur Capitulum Nonam.

MISSA (si hodie fiat de *Dominica* dicitur uti noratur in *Lectione* in Proprio de Tempore, cum *Gloria & Cred.* Orat. 2. de Octava Ss. Corporis Christi 3. non dicitur (nisi occurrat Festum Simplex) uti nec *Sequentia*. Præfatio dic. de Octava, ac in *ne Ite*, & Evang. S. Joann. Col. 11.

Quòd si hæc *Dominica* occurrat Festum Duplex, aut alicubi *Octava Ss. Trinitatis*, Officium & Missa



sa dicentur de Festo, aut die illa Octava, cum nona Lectione de Dominica, ejusdemque, & Octavae Corporis Christi Commemoratione in utrisque Vesperis, Laudibus, ac Missa: in qua Praefatio de SS. Trinitate, si fiat de hujus die Octava, si autem de alio Festo Duplici, non habente propriam Praefationem, Praefatio erit uti in Festo Corporis Christi, ac in fine Missae (sive de Festo dicatur, sive de die Octava SS. Trinitatis) dicitur Evangelium de Dominica currente. Quod si in tali Festo Duplici simul occurrat Festum Simplex, fiet etiam de illo in 1. Vesperis, Laudibus, ac Missa Commemoratio (sive 9. de eo Lectione, etiam si propriam alioqui habeat) nisi Festum illud sit 1. vel 2. Classis; nam Festum 1. Classis nullam usquam admittit Festi Simplicis Commemorationem, Duplex vero 2. Classis non nisi in Laudibus ac Missis privatis, si eodem die occurrat, bene autem in suis 2. Vesperis, si in ijs cum sequenti Simplici concurrat.

VESPERAE, si nec hodie, nec cras occurrat Festum, aut Officium Duplex, hodie erunt ac Dominica infra Octavam Corporis Christi, dicendo Antiphonas, Psalmos, & reliqua, uti notantur in loc: in Prop: de Temp: cum Commemoratione Octavae Corporis Christi, & Festi Simplicis, si quod cras occurrat. Col. Alb.

Quod si cras occurrat Festum Du-

plex, non item hodie, Vespera erunt de illo, cum Commemoratione Dominicae (nisi Festum cras occurrat sit 1. vel 2. Classis) nec non Octava Corporis Christi, etiam quocumque adveniente duplici, ac tandem Festi quoque Simplicis, si quod cras occurrat, modo Festum crastinum, de quo hodie sunt 1. Vesperae, non sit 1. vel 2. Classis. Col. Festo Conveniens. Si hodie & cras occurrat Festum Duplex, dividunt Vesperas, si sint ejusdem rationis ac dignitatis, secus, si non sint. Hinc dies Octava SS. Trinitatis alicubi hodie occurrens de crastino Duplici per annum, meo equidem iudicio (salvo meliori) tantum admittit hujus Commemorationem, non autem dividit Vesperas cum ipso, ea ratione, qua DIRECTORIUM Roman: 1710. in die Octav: Assumpt: B. V. de sequenti Festo Duplici facere iussit tantum Commemorationem conformiter novissimis Rubricis Tit. XI. de concurr: Offic: n. 7. Si enim dies Octava B. V. Assumptae (quae juxta DIRECTORIUM Romanum, ac alibi dicenda est tantum Duplex minus, uti & Dies Octava aliarum Festivitatum B. V. M.) est privilegiata, & in concursu cum Duplici minore integras exigit Vesperas juxta Rubric: XI. paulo ante allegatam, a fortiori erit ita privilegiata Dies Octava Festi SS. Trinitatis, quod ubi est Titulus Ecclesiae adeoque 1. Classis, non modo Festa B. V. sed ipsum quoque Festum Ss. Corporis



nis Christi excedit dignitate, uti colligitur ex eo, quod S. R. C. apud Gav: Tom. 2. S. 6. c. 19. n. 3. decreverit: Octavam SS. Trinitatis digniorem esse in propria Ecclesia, quam Octavam Corporis Christi. Unde ulterius sic meam confirmo sententiam: *Dies Octava* Festorum Christi, habentium Ritum duplicem 1. Classis, non obstante, quod ipsæ non ponantur à Breviario aut Directorio Romano inter *Duplicia majora*, præferuntur in concursu Duplicibus minoribus, exiguntque tunc integras Vesperas: ergo & *Dies Octava* Festi SS. Trinitatis, ubi ista tanquam *Titulus Templi* est Festum 1. Classis, habetque Octavam, in concursu cum sequenti duplici per annum huic præferetur, exigetque integras Vesperas; cum etiam Festum SS. Trinitatis non modò sit Festum Christi, sed totius simul SS. Trinitatis, & quidem ibi, ubi est *Titulus Templi*, habens *Ritum duplicem* 1. Classis, & Octavam, multòque proin *Dies* quoque ejus Octava sit dignior *Diebus Octavis* Festorum B. V. v. g. natæ, aut in caelos assumptæ &c. Nec obstat, quòd in Rubric: nova de concurrentia Offic: n. 7. à dividendis cum sequenti *Duplici minore* Vesperis excipiantur explicite solummodo *Dies Octava* Festorum B. M. V. nec non *Dies Octava* Festorum Epiphaniæ, Paschæ, Ascensionis, & Corporis Christi, non autem etiam *Dies Octava* SS. Trinitatis; quia illas explicite ex-

ciendo hoc ipso etiam implicite, & quidem à fortiori, excipere quæque videtur *Diem Octavam* SS. Trinitatis, ubi hæc est Duplex 1. Classis, celebratur cum Octava. Quòd si tamen alicui his omnibus non obstantibus aliter videatur, sentiat per me, quod vulè, usque dum S. R. C. certè aliquid super hoc in alterutram partem statuendo, hanc litem diremitur.

FERIÀ II. III. & IV. infra Octavam Corporis Christi usque ad Vesperas Feriæ IV. exclusive, *Officium* & *Missæ* sunt modò superius *Feriæ VII.* præcedentis Hebdomadæ descriptæ. Quòd si in *Die Octava* Corporis Christi occurrat *Festum Nativit: S. Jo: Bapt:* aut SS. *Apost: Petri & Pauli*, *Feriæ IV.* præcedente *Officium* & *Missæ* sunt de die 7. infra Octav. Corp: Christi cum 9. Lectione, & Comemoratione de *Vigilia in Laudibus*, ac *Missis*, nec non ultimo de eadem *Vigilia in Missis* priv: *Evang: in Col. Alb.* Ac in *Ecclesijs Cathedr. & Colleg.* duæ cantantur *Missæ*, ut P. II. 23. & 28. Jun.

VESPERÆ FERIÀ IV. infra Octavam SS. Corporis Christi dicuntur de *Die Octava Festi Corporis Christi*, recitando omnia uti in 1. Vesperis Festi de *Duplici* autem *Festo*, si quod hodie occurrat, faciendò duntaxat Comemorationem juxta *Norandum Tabula* CONCURRENTIÆ subscriptum, nisi Festum illud hodiernum fuerit unum ex *Solennioribus* (hoc est, *Prima*, vel *Secunda* Classis, ut Gav: in Octavario ad



ad Rubr. Gen. XI. exponit : aur nisi cras occurrat vel *Festum Nativitatis S. Joan. Baptista*, vel *Festum SS. Apostolor. Petri & Pauli* : nam si hodie occurrat *Festum* 1. aur 2. *Classis*, hodiernæ *Vesperæ* secundæ *Festi* hodie occurrentis integræ erunt de illo, de *Die* autem *Octava Corporis Christi* (& quidem de ea sola) fiet in tali occurrentia duntaxat *Commemoratio*, sumendo *Antiphonam* & *Versum* pro ea ex 1. *Vesperis Festi*. Quod si verò cras occurrat *Festum Nativitatis S. Joan. Bapt.* vel *Festum SS. Petri & Pauli Apost.* tunc non modò hodiernæ *Vesperæ*, sed etiam crastinum *Officium* totum una cum *Missâ* dicetur de S. Joanne Baptista, vel SS. Petro & Paulo, cum *Commemoratione* diei *Octavæ SS. Corporis Christi* in *Utrisque Vesperis*, *Laudibus*, ac *Missâ* : Quod *Privilegium* licet P. Lohner *Instr.* 2. P. 5. *Tit.* 10. n. 1. *Lit.* K. & *Pisart Tit.* 7. n. 5. (nisi *Rubricâ* X. *Gen.* n. 1. mentionem faciente solius *Festi S. Joan. Baptista*, & SS. *Petri*, & *Pauli*) solis his duobus *Festis* *Comperere* existiment, *Gavanus* tamen *Tom.* 2. S. 3. C. 8. n. 24. & *Arnaud Tr.* 2. P. 1. *Tit.* 7. n. 8. id etiam alijs *Festis* 1. *Classis* (qualia sunt *Patronus loci*, *Titulus Ecclesie*, *hujus Dedicatio* &c) *concedunt*, non tamen *Festis Duplicibus* 2. *Classis*. Itaque de quocunque alio *Duplici Festo*, etiam *majori* hodie occurrente, nisi sit 1. vel 2. *Classis*, *juxta omnes* sit tantum *Commemo-*

*ratio* ; Cras verò occurrens, etiam si sit 1. *Classis*, in *sententia Lohneri* *cedere* debet *Diei Octavæ Corporis Christi*, adeòque *transferri* in *proximam* diem non *impeditam*, exceptò, ut dixi, *Solo Festo Nativitatis S. Joan. Bapt. & Festo SS. Petri & Pauli*; in *Sententia* verò *Gavanti* *exceptis* quoque alijs *Festis* 1. *Classis*. Quod si *diei Octavæ Nativitatis S. Joan. Baptista* *veniat* in *die Octavæ Corporis Christi* (uti contingit, quando *Festum Nativitatis S. Joan. Bapt.* incidit in *Festum SS. Corporis Christi*) tunc, quia *Diei Octavæ* non *perinde* *transferatur*, ac *ipsum Festum*, debet *de die Octavæ S. Joannis* in *Officio* de *Die Octavæ Corporis Christi* fieri *formalimodo* *Commemoratio* in *utrisque Vesperis*, *Laudibus*, ac *Missâ* diei *Octavæ Corporis Christi*. Si cras occurrat *Festum Simplex*, in *hodiernis Vesperis* (si quidem illæ *finit* de *Die Octavæ Corporis Christi*, aut certe non de aliquo *Festo* 1. vel 2. *Classis*) de illo quoque *facienda* est *Commemoratio*, uti & *ante simplex de die infra Octavam S. Joan. Baptista ac SS. Petri & Pauli*, si *utraq;* aut *alterutra* harum *Octavarum* *concurrat* seu *miscetur* cum *Octava Corporis Christi*, id quod quoad *priorem* *congit* *annò 1710*. Quoad *utramque* verò *annò 1707*. Quæ *omnia* *constant* ex *Rubr. Gen. Tit.* IX. X. ac XI.

FERIÀ V. hujus *Hebdomadæ* celebratur sub *Ritu duplici* *Diei*  
C c 3 OCTA-



OCTAVA SS. CORPORIS CHRISTI, soli cedens Festo Nativitatis S. Joan. Bapt. ac Ss. Petri & Pauli in superius relata Lohneri sententia ( eò quod Rubrica General. X. n. 1. hoc privilegium Exceptionis solis duobus his Festis ob suam in Ecclesia universali solemnitate specialiter concessisse videatur ) at verò in sententia Gavanti cedens etiam alijs duplicibus 1. Classis officium, & Missam, si in illam incidant : cui equidem sententia ( ut in Tit. 7. de Octav. n. 5. fateatur Pisartus ) videtur favere 1. Rubrica immediatè posita sub Tabella OCCURRENTIÆ, in qua Octava Corporis Christi non ponitur inter excludentes Festa Duplicia 1. Classis. 2. d. etiam ipsa Rubrica Gen. X. de Transl. seu occurr. Feslor. n. 2. ubi in numero Dierum Octavarum, excludentium Festa omnia majora in ijs occurrentia, ponitur solummodo Dies Octava Nativitatis Domini, & Dies Octava Epiphaniae, per Festa autem majora ( uti locò cit. n. 2. Lit. M. fateatur ipsemet Lohnerus ) intelliguntur ibi Festa prima & secunda Classis, qua alibi solemnia vocantur : Dies verò Octava SS. Corporis Christi per Rubr. Gen. X. n. 1. Festa majora 1. Classis non excludit, sed tantum ijs inferiora, etiam ea, quæ sunt 2. Classis. Gav.

Quòd si igitur aliquod ejusmodi F. storum 1. Classis incidat in Diem Octavam SS. Corporis Christi, totum officium unà cum Missa fiet de eo, de

Die autem Octava Ss. Corporis Christi fiet tantum Commemoratio, in utrisque tamen Vesperis, Laudibus, ac Missa, in qua, si fiat de Nativitate S. Joan: Præfatio quoque erit de Festo SS. Corporis Christi, & ratiò Octavæ dicitur etiam Credo, si autem fiat de SS. Petro & Paulo, Præfatio erit de Apostolis.

Quòd si verò nec Festum Nativitatis S. Joan: Bapt: nec Festum SS. Petri & Pauli nec aliud ( in superius ultimò relatà Sententià ) 1. Classis Festum occurrat in Die Octava Corporis Christi, tunc ( translato quocunque aliò Festò in ea occurrente ) Officium & Missa fiunt de die Octava SS. Corporis Christi, dicendo omnia ( sub Ritu duplici ) etiam Lectiones I. Nocturni, uti in Festo, exceptis tamen Lectionibus II. & III. Nocturni, quorum utriusque propriæ assignantur in Prop: de Temp. Ceterum tam in OFFICIO, quam in MISSA Octavæ Corporis Christi fit Commemoratio etiam de Octava Nat: S. Joan: Baptistæ, si dies infra Octavam, aut ipsa dies Octava Nativitatis S. Joan. Bapt. in die Octava Corporis Christi occurrat, uti & diei infra Octavam SS. Apostolor: Petri & Pauli, quando etiam dies infra horum Octavam incidit in Octavam Corporis Christi, ac tandem etiam Festi Simplicis in eadem die Octava Corporis Christi occurrentis. Si in diem Octavam Corp. Christi incidat



Vigilia Nativ. S. Joan. Bapt: aut Ss. Apostolor: Petri & Pauli ( quarum utraque jejunatur ) tunc in Officio Corp. Christi legitur de ea 9. Lectio, & in Laudibus ( sumendo Antiphonam & Versum de Psalterio ex Feriâ V. ad *Benedictus* ) ac Missis privatis fit de eadem Comemoratio post Commemorationem de die infra Octavam, si talis occurrat, sed ante Commemorationem Festi Simplicis, si etiam tale occurrat, legiturque de eadem etiam ult: Evangelium. Oratio propr: ex Propr: Sanctor. In Ecclesijs autem Cathedralibus & Collegiatis tunc cantantur 2. Missæ Conventuales, una de *Die Octava* post TERTIAM, & alia de *Vigilia*, post NONAM. In Missa de Octava non fit Commemoratio Vigiliæ, bene tamen de Octava Nativit. S. Joan. quando dies infra ejus Octavam simul incidit in Vigiliam Ss. Petri & Pauli. In fine Evang. S. Joan. Col. Alb.

In Missa *Vigilia* ( quæ dicitur sine *Glor. & Cred.* etiam in Ecclesia, in qua S. Joan. Bapt. est Patronus ) Oratio 2. *Concede.* 3. *Ecclesia*, vel pro Pap: pro ut norantur post Dominicam in Alb. Praef. Communis. In fine *Benedicimus*, & Col. Viol.

VESPERÆ hodiernæ, nisi cras occurrat Festum 1. vel 2. Classis ( esto cras occurrat aliud Duplex, etiam majus, vel dies Octava S. Joan. Baptistæ ) integræ dicuntur de *Die Octava Ss. Corporis Christi*, cum Comem-

moratione sequentis diei Octavæ ( si sequitur ) aut alterius Festi 9. vel trium Lctionum, modò Festum sequens non sit unum ex Solenniioribus, h. e. 1. vel 2. Classis; nam si cum tali, etiam translato, dies Octava Corporis Christi in suis Vesperis secundis concurrat, totæ Vesperæ erunt de illo, cum Commemoratione diei Octavæ Corp. Christi tantum. Rubr. Gen. Tir. XI. n. 7.

Quid observandum sit circa PROCESSIONEM, quæ in die OCTAVA CORPORIS CHRISTI alicubi manè, alicubi verò post Vesperas ( idque Conformiter Cæremoniali Episcopor. L. 2. c. 33. circa fin. ) ad reponendum Ss. Sacramentum institui solet, non quidem tam solenniter, & per tam longam viam, uti in ipso Festo, sed per Ecclesiam duntaxat, aut circa eam adornanda, pluribus exequitur Gerlacus Vinitor Compend: Sac. Rit. P. 6. Tit. 25. inter alia monens fieri eam debere cum Decantatione Hymnorum *Pange Lingua &c: Sacris Solemnij &c: Verbum Supernum &c.* ( habita scil. Consideratione longioris vel brevioris Viæ ) reponendumque Ss. Sacramentum cum Cæremonijs ac Cantu in Rituali Romano de Processione Ven: Sacramenti præscriptis; postridie autem manè curandum, ut Is, qui Templo præest, aliisve Sacerdos in Missa, sumpto S. Sanguine, S. Hostiam, quæ in *Monstrantia* proponebatur adoranda, ante

Pu-



Purificationem sumat; Lunulam postmodum diligenter purificet, atque etiam, si videatur, Vinò lotam purificatorio extergat, & denique Monstrantiam cum alijs Vasis Sacris secure deponat, ac reservet. Vide etiam Bauldryum P. 4. c. 16. supra cit. a. 14.

**FERIA VI.** infra Hebdomadam II. post Octavam Pentecostes, si Festum nec trium, nec novem Lectionum (seu translatum, seu non translatum) nec aliqua Vigilia, aut Dies infra Octavam occurrat, OFFICIUM totum usque ad Vesperas exclusivè sit de ea, dicendo MATUTINUM & LAUDES de FERIA VI. ut in Psalterio, cum Oratione Dominicæ præcedentis: Lectiones Nocturni cum suis Responsorijs dicuntur de Scriptura occurrente, prout notantur in Propr: de Tempore FERIA VI. infra Hebd. secundam post Octav. Pentec. nisi occurrat aliqua Vigilia. Quòd si tamen Responsorija FERIA II. post Dominicam I. post Pentecosten, ob incidentia hætenus Festa, & Octav. Corp. Christi primò poni forsan nondum potuerint, ponuntur hodie juxta dicta superius FERIA III. post Dominicam I. post Pentecosten. Orationi diei (quæ per omnes horas sumitur juxta dicta ex Dominica præcedente, nisi occurrat Vigilia) iungitur Commemoratio de Cruce, & huic Commemorationes Communes, ut ibid.

Si hodierna FERIA sit prima dies

Mensis post Tempus Paschale non impedita Officiò aut Festo 9. Lectionum, tunc hodie post Laudes dicuntur in Choro II. Nocturnum & Laudes Defunctorum.

PRIMA dicitur ut in Psalterio Feriali Officiò per annum, post Psalmum, *DEUS in nomine tuo* locò Psalmi *Constituimini* dicendo Psalmum FERIA VI. *DEUS, DEUS meus &c.*, ac reliqua ut ibi cum Precibus consuetis (tamen ferialibus) nisi occurrat aliqua Vigilia.

HORÆ quoque ceteræ MINORUM dicuntur cum Antiphonis, Capitulis, & Responsorijs brevibus, ut in Feriali Officiò per annum, ut in Psalterio annotatur. Ad MISSAM quod attinet, si hodie fiat de FERIA, sumitur Missa Dominicæ præcedentis, attamen sine *Gloria & Credo*. Oratio 2. *A cunctis*. 3. Ad Libit. nisi ratione Mensis 2. locò dicendum sit *Psalmium*, & 3. *A cunctis*. In fine *Benedicamus Col. Vir.* Quòd si hæc FERIA sit 1. dies Mensis, non impedita Festo 9. Lectionum, observanda circa Missam Principalem erunt ea, quæ supra FERIA II. post Dominicam I. post Pentecosten sunt annotata, & à Rubr: Gen: Tit: V. præscribuntur.

VESPERÆ, si nec hodie, nec cras occurrat Festum 9. Lectionum, nec etiam aliqua in crastinum Vigilia, dicuntur usque ad Capitulum de FERIA VI. currente, ut in Psalterio, à Capitulo autem fiet de S. Maria in Sab-



bato, dicendo omnia, prout notantur in Officio B. Mariæ in Sabbato, cum Commemoratione Festi Simplicis, si quod eras occurrat; cui Commemorationi, vel, (si nullum ejusmodi Festum Simplex in crastinum occurrat) Orationi Diei, quæ est *Concede nos famulos tuos &c.* subjunguntur Commemorationes Consuetæ, seu Suffragia Sanctorum, non tamen ea, quæ est de Cruce, nec illa, quæ est de B. Virginali dictum: *Col. Alb. Quod si hodie occurrat Festum 9. Lectionum, eras autem faciendum sit de S. Maria in Sabbato, in hodiernis Vesperis (ut pote dicendis de Festo) de S. Maria fiet tantum Commemoratio, cum Antiphona, Versiculo, & Oratione, ut in Officio B. Mariæ in Sabb: nisi Festum illud 9. Lection: hodie occurrens sit Festum alicujus S. Virginis, aut Mulieris; tunc enim, ne Versus: *Diffusa est gratia &c.* jam semel dictus in hodiernis Vesperis secundis debeat repeti, seu bis dici in iisdem, dicendus est pro Commemoratione de S. Maria in Sabbato Versus: *Benedicta tu in &c.* ex Laudibus ejusdem: id quod per Rubr: Gen: IX. n. 8. semper in hujusmodi casibus est observandum.*

COMPLETORIUM ut in Pfalterio per annum, nisi quod in fine Hymni: *Te lucis ante Terminum &c.* dicendum sit: *JESU ubi sit gloria &c.* etiam in Vesperis facta sit tantum Commemoratio de B. Maria. Si eras oc-

currat *Vigilia, aut Festum 9. Lectionum*, tunc ordinandæ erunt hodie: *Vesperæ, & crastinum Officium*, modo suis locis declarato. De Fest. Cordis JESU Vid. P. III. Tit. ult. Lit. C.

SABBATO infra Hebd. II. post Octav. Pentec. nisi occurrat Officium 9. Lection: vel *Vigilia, fir Officium de B. Maria in Sabbato*, dicendo omnia, ut notantur ibi in Propri. Loco. Ad Matut: Invitatorium, & Hymnus de B. M. Antiphonæ & Psalmi FERIALES: duæ Lectiones de Scriptura occurrente, tertia de Menſe corrente. Versus, Absolutio, Benedictiones, & Responsoria duo propria huic Officio: Post 3. Lectionem dic, *Te Deum Laudamus &c.* Ad Laudes, & Horas Antiph: *Dum esset Rex*, & reliqua, ut ibi. Si occurrat Festum Simplex fit de illo Commemoratio in Laudibus, sine aliqua de eo Lectione, etiam si (utnam vel duplicè) alioquin habeat. Commemorationi de Festo Simplicis, vel (si nullum occurrat Simplex) ipsi Orationi diei, quæ est, *Concede nos famulos tuos &c.* subjunguntur in Laudibus Commemorationes communes, non tamen de Cruce, nec de S. Maria; non illa, quia non est Officium feriale, non ista, quia ipsum Officium est de S. Maria.

MISSA ex Votivis de S. Maria in Sabbato à Pentecoste ad Adventum, cum Gloria, sine Credo; Oratio 2. de S. Spiritu. 3. Ecclesia, vel pro Papa (ut ibi in fine Missæ) nisi faciendâ

D d

fit



fit. Commemoratio Festi *Simplicis* in tali Sabbato occurrentis, aut ratione Mensis dicenda sit Oratio *Fidelium*; tunc enim alterutra harum Orationum dicitur 2. locò, 3. autem locò tunc dicitur Oratio de S. Spiritu. Quòd si ratione Mensis dicendum sit *Fidelium*, & simul facienda Commemoratio Festi *Simplicis* occurrentis, tunc (nisi placeat plures, quàm tres, numero ramen impari, dicere Orationes) Oratio 2. erit *Fidelium*, 3. autem erit de Festo *Simplici*: id quod diligenter observatur à Directorio Romano: & Ratio est; quia Oratio *Fidelium* in Missis Vivorum semper obtinere debet penultimum locum: Unde si plures, quàm 3. dicantur Orationes in aliqua Missa non funebri, in qua etiam facienda Commemoratio alicujus Festi, v. g. *Simplicis* occurrentis, Oratio 2. erit de *Simplici*, tertia illa, quæ alioquin esset secunda; penultimò autem locò (id est quartò, si dicantur 5. Orationes, uti interdum dici omnino 5. debent, v. g. in casu, quo 2. Festa *Simplicia* incidunt in eandem diem, quæ fit de S. Maria in Sabbato, uti quandoque contingit 1. Septembr. & 7. Octobr.) dici debet *Fidelium*: id quod rursus diligenter observat Directorium Romanum, & requirunt celebres Rubricistæ, nominatim Arnaudus Tr. 1. P. 1. Tit. 9. n. 7. Bauldry P. 3. c. 7. ad Tit. 9. n. 12. Pisart Sac. Evang. P. 1. Tit. 9. n. 8. Lohner Inst:

Praet. 1. P. 2. Tit. 11. n. 7. Praetatio de B. V. Et se in Veneratione &c. In fine Ite, & Evang. S. Joan. Col. 11.

Si in hodiernum Sabbatum incidat Vigilia, Responsoria Feriale pro 3. Lectionibus Nocturni sumuntur ex Sabbato currente, Lectiones autem de Homilia Vigil: cum propr. Ora:

Si hodie fuit factum de S. Maria in Sabbato (aut de Vigilia aliqua antepata) & cras non occurrat Festum Duplex, Vesperæ hodiernæ usque ad Capitulum dicentur de Feria currente, uti notantur in Psalterio Sabbato ad Vesperas; à Capitulo autem de Dominica III. post Pentec: in eod. Psalterio, & Propr. de Temp. Capitulum: O Altitudo Divitiarum: Hyminus: Jam Sol recedit igneus. Vespus: Vespertina Oratio &c, uti notantur ibid: in Psalterio. Antiphona Magnificat (Cognoverunt omnes) & Oratio propria, prout habentur in Propr. de Temp: ante Dominica III. post Pentec: &c, cum Commemoratione *Simplicis*, si quod cras occurrat.

Quòd si hodie occurrat Festum *Semiduplex*, aut Dies infra Octavam Vesperæ usque ad Capitulum erunt de illo, à Capitulo autem de Dominica modò prædictò, cum Commemoratione præcedentis, & Festi *Simplicis*, si quod cras occurrat. Col. 11. vid: nisi sit Dominica infra Octavam alicujus Festi; quia tunc color debet esse conformis Sancto, cujus Octava celebratur.



Si verò hodie, aut cras occur-  
rat *Festum Duplex*, vel *Dies Octava* ali-  
cujus Festi, totæ Vesperæ erunt de  
*Festo*, vel *Die Octava*; de Dominica  
autem fiet *Commemoratio*, uti & de  
*Die infra Octavam*, ac *Festo Simplici*, si  
talis, vel tale in crastinum occurat,  
nisi *Duplex* illud sit *Festum* 1. vel 2.  
Classis; quia tunc in 1. illius hodi-  
ernis Vesperis fieret quidem *Comme-*  
*moratio* Dominicæ, item *Diei Octava*

alicujus Festi, si talis in crastinam  
Dominicam incidere, non tamen  
fieret *Commemoratio* *Diei infra Octa-*  
*vam*, nec *Festi Simplicis*, in ejusmodi  
*Festo* cras occurrentium. *Col. Festo*  
*Conveniens*. *Completorium*, ut in  
Psalter: per annum cum *Precibus*  
(Dominicalibus) consueteris, nisi  
Officium Vesperarum fuerit duplex,  
aut currat Octava alicujus Festi.

## TITULUS XXXIII.

### De Dominica III. post Pentec: ac Ferijs infra Hebdom. III. post Octav: Pentecostes occurrentibus.

**D**OMINICA III. post Pentec: ac  
reliquæ deinceps usque ad  
Adventum sunt ex Numero  
illarum Dominicarum, quæ *Dominica*  
*minores* sive *per annum* ac *Communes* di-  
cuntur: quia licet præferantur alijs  
*Semiduplicibus* in occurfu, cedunt  
tamen *Festis Duplicibus*. Unde

Si hæc, aut aliquâ ex sequenti-  
bus Dominicis post Pentec: usque ad  
Adventum (quarum eò usque post  
Pentec: ad summum possunt esse Vi-  
ginti Octo, non autem pauciores  
quàm Viginti tres) occurrat extra  
Octavam *Festum Semiduplex*, transfer-  
tur in primam diem *Festo Duplici*, vel  
*Semiduplici* non impeditam: si autem  
occurrat in Dominica infra aliquam

Octavam, in qua sit de *Festis* occur-  
rentibus, tunc in sequentem *Feriam*  
II. cum *Commemoratione* Octavæ  
(omissis ad *Primam* & *Completorium*  
*Precibus*, nec non *Suffragijs* ad *Lau-*  
*des*, & *Vesperas*) transfertur: quæ *Fer-*  
*ria* II. si fuerit alio *Festo Duplici*, vel  
*Semiduplici* impedita, prædictum  
*Festum Semiduplex* veniens in tali  
Dominica, transferatur post *Octa-*  
*vam* (ita ut *Festum Semiduplex* in-  
fra *Octavam* transferatur non nisi in  
proximè sequentem diem) & si una  
Octava concurrat cum alia, aut unam  
Octavam immediatè excipiat alia, id  
transferatur post omnes Octavas.  
*Rubr. Gen. Tit. X. n. 5. & Gav. ibid.*

Quòd si hæc, aut aliquâ sequen-  
tium

D d z

gium